

nim es wider heraus/ vnd drucke das Wasser heraus/ nim darnach den dritten Theil von einer Dntz / geschabten Firnes / laß es auff den Abend in warmen Wasser weichen/ vnd am Morgen laß sieden mit mehrem Wasser/ nach dem es dich dünckt gnug zu sein. Nim darnach ein vierthel von einer Dntz gemachten Alaun / der weiß sey/ vnd ein 8. Theil von geschmeltzten vnd gestossenen Alaun/ thue es alles zusammen mit dem Firnes in einen Kessel / vnd laß sieden biß der dritte Theil eingesotten / vnd verzehret ist / oder ein wenig mehr / vnd auff eine jede Dntz Firnes thue ein wenig Wasser / laß diß alles durch ein Sieb gehen / hüte dich aber / daß du nichts vom gekochten Firnes darein thust / das Fell möchte sonst flecke bekommen/ reibe darnach das Fell mit den Händen / thue von dieser Farbe ein wenig in ein rein Geschirz/ nicht auff einen hauffen/ sondern fein mehlich vnd sanfft / es muß auch kalt werden/ brauche es hinförder mit einduncken/ vnd wider herauß winden/ so lange/ als dichs bedüncket roth gnug zu sein / handthiere es darnach mit der Bürste vnd Stein/ wie du wissen wirst/ wie es sich gebühret.

Felle auff Granaten farbe zu ferben.

Schmelze Stein Alaun auff dem Feuer / netze das Fell wol darñen/ vnd laß es wider trucken werden/ nim darnach geschabtes Firnes mit Glas/ vnd laß es im Wasser sieden / vnd wens sehr wol gesotten hat/ nims vom Feuer hinweg/ vnd laß es kalt werden/ laß darnach noch einmal sieden/ wie vorhin / vnd diß solt du dreymal thun/ auff die letzte/ wens trucken ist/ so glette es/ so ist gemacht.

Felle schön grün zu ferben.

Nim ein Theil gefeilet Kupffer/ Sal armoniacum 2. Theil/ temperir es mit Menschen Harn / so lange biß es wol durchleuffet/ strecke die Haut an einen Ramen/ vnd ferbe auff der Seiten da das Fell am Fleische hat gefessen / vnd laß es am schatten trucken werden/ so wird die Farbe auff der andern Seiten durchschlagen.

Ein anders.

Nim Creugbeerlein / Alaun ana so viel gnug ist/ geuß Brunnenwasser